

國學基本叢書

廣羣芳譜

(三)

清聖祖敕撰

商務印書館發行

廣羣芳譜卷第五十四

果譜

梅 梅花別見花譜

圓梅 說文作模一名療廣志云蜀實似杏也草木疏云梅杏類 大者如小兒拳小者如彈熟則黃微甘酸可啖生

純青酸甚 本草云花開于冬而實熟于夏得木之金氣故其味最酸 多食泄津液生痰損筋蝕脾傷腎弱齒爲肺含之口香造煎堪久

子赤者材堅白者材脆種類不一 白者有綠萼梅 實大五 重葉梅 結實多雙消梅實甘青止可生啖雖酢甚鬆

者大不宜熟 冠城梅 實甚大時梅實大五 早梅 四月 冬梅 實小十月可 紅者有鶴頂梅 實大紅鴛鴦梅 梅譜

亦不堪煎造 五月熱 實大五 雙頭梅 或結並蒂小 杏梅 實扁而斑 異品有冰梅 實吐冰玉無核含之花色

多葉紅梅也 結實必雙凡雙果必雙頭梅 實不堪啖 杏梅 實扁而斑 異品有冰梅 實吐冰玉無核含之花色

雙帶惟此一帶而結雙梅尤異 雙頭梅 實不堪啖 杏梅 實扁而斑 異品有冰梅 實吐冰玉無核含之花色

融如冰 **【譜】范成大梅譜** 江梅 子小而硬 **【具區志】洞庭諸山佳種有吐花酸** 實小味酸方可啖 脆梅 一名時

佳品也 **【譜】范成大梅譜** 江梅 子小而硬 **【具區志】洞庭諸山佳種有吐花酸** 實小味酸方可啖 脆梅 一名時

圓而大可以 按原譜各果名目雜探諸書間有遺闕續錄于後其已見者更不重出 **【原】賈思勰曰梅**

實小而酸核有蠶文杏實大而甜核無文采 梅任調食及蠶杏則不任此用世人或不能辨言梅杏爲一

【傳】標落也。盛極則墮落者梅也。尙在樹者七。標有梅其實三兮。【傳】在者三也。【箋】此夏鄉晚梅之墮落者差多在者餘三耳。標有梅頃筐暨之。【傳】暨取也。【箋】謂夏已晚頃筐取之于地。【增】禮記內則桃諸梅諸卵鹽。【註】人君燕所食也。【疏】桃諸梅諸卵鹽者言食桃諸梅諸之時以卵鹽和王肅云諸菹也。謂桃菹梅菹卽今之藏桃也。藏梅也。欲藏之時必先稍乾之。故周禮謂之乾臠。梅杏【註】人君燕食所加庶羞也。膾獸用梅【集說】獸用梅以梅和獸也。食棗桃李梅弗致于核爲恭敬也。【周禮天官】饋食之籩其實乾臠。【註】乾臠梅也。【夏小正】五月煮梅爲豆實。【左傳】晏子對齊侯曰和如羹焉。水火醯醢鹽梅以烹魚肉。燀之以薪。宰夫和之。齊之以味。濟其不及以洩其過。君子食之以平其心。【吳志孫亮傳註】亮方食生梅使黃門至中藏取蜜漬梅。蜜中有鼠矢。召問藏吏。藏吏叩頭。亮曰黃門從汝求蜜耶。吏曰向求實不敢與。黃門不服。侍中刁玄張邪啓黃門藏吏辭語不同。請付獄推盡。亮曰此易知耳。令破鼠矢。矢裏燥。亮大笑謂玄邪曰若矢先在蜜中。中外當俱濕。裏燥必是黃門所爲。黃門首服。左右莫不驚悚。【南史柳惔傳】惔嘗與瑯琊王瞻博射。嫌其皮闊。乃摘梅帖烏珠之上。發必命中。觀者驚駭。【唐書蕭倣傳】倣自集賢學士拜嶺南節度使。南方珍賄叢夥。不以入門。家人病。取槁梅於廚以和劑。倣知趨市還之。【原】五代史趙匡凝傳楊渥方宴食青梅。匡凝顧渥曰弗多食發小兒熱。諸將以爲慢。渥遷匡凝海陵。【增】山海經雲山之上其實乾腊。【註】腊乾梅也。【淮南子】百梅足以

爲百人酸。一梅不足以爲一人和。【世說】魏武行役失汲道。軍皆渴。乃令曰。前有大梅林。饒子甘酸。可以解渴。士卒聞之。口皆出水。乘此得及前源。【語林】范汪能噉梅。人嘗致一解盞。留汪食之。須臾盡。【述異記】邯鄲有故邯鄲宮基存焉。中有趙王之果園。梅李至冬而花。春得而食。【筆談】吳人多謂梅子爲曹公。以嘗望梅止渴也。又謂鵝爲右軍。有士人遺鵝梅與燐鵝。作書云。醃浸曹公一甕。湯燐右軍兩隻。【埤雅】張協七命云。醃以春梅。正言春梅者。春實尙青。味酢故也。【六帖補】前蜀王建判官馮涓好戲。時鳳翔遣張郎中通好。來晨宴接。王慮馮公先語。而張子乘之。或致失機。乃令客將傳達旦。請絨氍毹。坐既定。而賓主寂然。無敢發其語端者。馮乃取青梅鏗然一嚼之。四座流涎。因成大笑。【我眉山志】山有梅子坡。白雲禪師道行偶渴。索水不得。望前坡有梅樹。擬此纍纍梅實。可以回津。至其地無一梅樹。而渴已止矣。今建有茶菴。後人援以名坡云。

【集韻】五言古詩【贈】宋梅堯臣青梅。梅葉未藏禽。梅子青可摘。江南小家女。手弄門前劇。齒軟莫勝酸。棄之曾不惜。寧顧馬上郎。春風滿行陌。【蔡襄和吳省副青梅】梅花畏高寒。獨向江南發。那知汴陽墅。青顆摘春月。持之矜所無。歸思動楚越。願君侑清罇。行恐新芳歇。【黃庭堅古風上蘇子瞻】江梅有佳實。結根桃李塲。桃李終不言。朝露借恩光。孤芳已皎潔。冰雪空自香。古來和鼎實。此物升廟廊。歲月生成晚。烟雨青已黃。得升桃李盤。以遠初見嘗。終焉不可口。擲置官道傍。但使本根在。棄捐何能傷。

【七言古詩】**【陶】**宋鮑照梅花落。中庭雜樹多。偏爲梅咨嗟。問君何獨然。念其霜中能作花。露中能作實。搖蕩春風媚春日。念爾零落逐寒風。徒有霜花無霜質。

【七言絕句】**【陶】**唐羅隱紅梅。天賜胭脂一抹腮。盤中磊落笛中哀。雖然未得和羹便。曾與將軍止渴來。
【宋梅堯臣送紅梅行之有詩依其韻和】綴綴紅梅肥似蠟。濛濛飛雨灑如絲。吳郎齒軟食不得。翻憶張公大谷梨。
【黃庭堅戲荅晁適道乞消梅】青莎徑裏香未乾。黃鳥陰中實已圓。蒸豆作烏鹽作白。屬

聞丹杏薦牙盤。北客未嘗眉自顰。南人誇說齒生津。磨錢和蜜誰能許。去蒂供鹽亦可人。【以梅餽

晁深道戲贈二首】帶葉連枝摘未殘。依稀茶塢竹籬間。相如病渴應須此。莫與文君蹙遠山。渴夢吞

江起解顏。詩成有味齒牙間。前身鄴下劉公幹。今日江南庾子山。【楊萬里梅熟小雨】風從獨樹忽然

來。雨去山前遠却迴。留許枝間慰愁眼。兒童抵死打黃梅。【元張弘範梅雨】輕雲薄薄暗江干。幾陣紗

窗送嫩寒。濃醉呼童新摘得。未黃梅子已微酸。【顧瑛謝靜遠惠蜜梅】江南烟雨未全黃。誰使青酸墮

蜜房。斌媚已能知魏證。典刑時復見中郎。【馬臻西湖卽事】園丁花木巧栳椷。萬紫千紅簇綺筵。折得

青梅小如豆。獻來還索賞金錢。

【詩散句】**【陶】**唐李白。郎騎竹馬來。遶床弄青梅。【白居易】黃鳥啼欲歇。青梅結半成。【宋陸游】青

梅薦煮酒。綠樹變鳴禽。【白居易】食藥不易食梅難。藥能苦兮梅能酸。【宋黃庭堅】要知春景

深和淺。試看青梅大幾分。【楊萬里】峯頭揀偏低陰處。帶葉青梅摘一枝。【元馬臻】午睡醒來春事晚。枝頭梅豆已生仁。【明王世貞】莫言子作書生酸。要與君王調鼎實。【雷思霈】不應便雜天桃杏。半點微酸已著枝。【梁簡文帝】摘梅多繞樹。【周庾信】梅逐雨中黃。【唐杜甫】紅綻雨肥梅。四月熟黃梅。梅杏半傳黃。【白居易】早梅結青實。【許渾】未臘梅先實。【韓偓】齒軟越梅酸。【宋蘇軾】金盤未薦含酸子。【朱松】冰盤青子渴爭嘗。【元劉詵】紈扇晴嬉墮脆梅。【詞】宋孫臏菩薩蠻。一聲羌笛吹鳴咽。玉溪半夜梅翻雪。江月正茫茫。斷腸流水香。含章春欲暮。落日千山雨。一點著微酸。吳姬先齒寒。

【別錄】原【神異經】北方荒外有橫公魚。夜化爲人。刺之不入。煮之不死。以烏梅二十七枚煮之。卽熟。可已邪病。【風俗通】五月落梅風。江淮以爲信風。【風土記】夏至霖霖至前爲黃梅。先時爲迎梅雨。及時爲梅雨。後時爲送梅雨。【抱朴子】綺里月法。用鉛百斤。煮以雄黃。皆成金。太剛猪膏煮之。太柔梅煮之。【物類相感志】青梅小滿前嫩脆。過後則易黃。梅子與韶粉同食。不酸不軟。梅葉尤佳。【本草】梅核能明目益氣。不饑。【種樹書】桑上接梅。則不酸。【田家五行】梅實少。稂亦少。諺云。樹無梅。手無杯。【製用】居家必要。取大青梅。以鹽漬之。日曬夜漬。十晝十夜。便成白梅。調鼎和羹。所在任用。青梅監盛。突上薰黑。卽成烏梅。用以入藥。不任調食。以稻灰淋汁。潤濕蒸過。則肥澤不蠹。亦可糖藏蜜。

煎作果。烏梅洗淨，搗爛水煮，滾入紅糖，使酸甘得宜。水內泡冷，暑月飲甚妙。或搗爛加蜜適中，調湯微煮飲。梅醬，熟梅十斤，爛蒸去核，每肉一斤，加鹽三錢，攪勻，日中曬，待紅黑色，收起。用時加白荳蔻仁、檀香些少，飴糖調勻，服涼水極解渴。冰梅，丸治喉閉。五月五日，合青梅二十個，鹽十二兩，先後於初一日，醃至初五日，取梅汁，拌白芷、羌活、防風、桔梗各二兩，明礬三兩，豬牙皂角三十條，俱爲細末，拌梅，磁瓶收貯。糖脆梅，青梅每百個，以刀劃成路，將熟，冷醋浸一宿，取出控乾，別用熟醋調沙糖一觔半浸，沒入新瓶內，以箬紮口，仍覆碗藏地，深一二尺，用泥上蓋，過白露節，取出，換糖浸。【北戶錄】嶺南之梅，小於江左，居人采之，雜以朱槿花和鹽曝之，梅爲槿花所染，其色可愛。又有選大梅，刻鏤瓶罐結帶之類，取淖汁漬之，亦甚甘脆。

附錄 海梅

【增】峩眉山志：海梅高僅三尺，冬月開小花，結實如櫻桃。

杏花別見花譜

圓杏一名甜梅。

江南錄云：楊行密改杏名甜梅。

樹大實多，形如彈丸，有大如梨者。生酢熟甜，性熱生痰及癰疽，不宜多食。

小兒產婦尤忌。

【增】格物叢話：

杏實味香於梅而酸不及，核與肉自相離，其仁可入藥。圓種類不一。

有金杏。

圓而黃熟最早，味最勝。一名漢帝杏，謂武白杏，熟時色青白，或微黃，味沙杏，甘而多汁，卽世梅杏。帝上林苑遺種也。大如梨，黃如橘，出濟南。

黃而素杏。青而帶黃。金剛拳。赤大而扁。肉厚味。木杏。形扁。色青黃。山杏。肉薄。不堪食。巴旦杏。一名八擔杏。帶酢。奈杏。出鄴中。甚佳。又名肉杏。皮薄而仁清甘。鮮者尤脆美。稱果之佳者。又有赤杏、黃杏。廣志云：蓬萊杏。增述異記：句漏縣有縹杏。

【異考原】北周書孝義傳：張元性廉潔，南鄰有杏兩樹，杏熟多落，元園中元悉以還主。【園】夏小正：四月園有見杏。【管子】五沃之土，其木宜杏。【園】地理志：范蠡宅在洞庭湖中，有海杏大如拳也。

【玄晏春秋】：衛倫過予，言及于味，稱魏故侍中劉子陽食餅知鹽生精，味之至也。予曰：師曠識勞薪，易牙別淄澠，子陽今之妙也。定之何難？倫因命僕取糧糗以進，予嘗之曰：麥也。有杏、李、奈、味三果之熟也。同時子焉得兼之？倫笑而不言。退告人曰：士安之識過劉氏，吾將來家實多。故杏時將發，糗以杏汁。李奈將發，又糗以李奈汁。故兼三味。【祭法】：夏祠用杏。【神仙傳】：董奉居廬山，不種田，日爲人治病，亦不取錢，病重愈者，使栽杏五株，輕者一株。如此數年，計得十萬餘株，鬱然成林，乃使山中百禽羣獸遊戲其中，卒不生草，常如芸治也。後杏子大熟，於林中作一草倉，示時人曰：欲買杏者，不須報奉，但將穀一器置倉中，卽自往取杏一器去。常有人置穀來少而取杏去多者，林中羣虎出吼逐之，大怖，急挈杏走，路傍傾覆，至家量杏一如穀多少。或有人偷杏者，虎逐之，到家嚙至死。家人知其偷杏，乃送還奉，叩頭謝過，乃使却活。奉每年貨杏得穀，旋以賑救貧乏，供給行旅不逮者，歲二萬餘斛。潯陽記：杏在北嶺上，有樹百株。

今猶稱董先生杏林。【園】荆楚歲時記孫楚祭介之推云。錫一盤。醴酪二孟。今寒食有杏酪麥粥。卽其

類也。【南嶽夫人傳】仙人有三玄紫杏。【冀州論】魏郡好杏地產不爲珍。【增】嵩高山記嵩山東

有牛山。其山多杏。至五月爛然黃茂。百姓皆資此爲命。人人克飽。而杏不盡。【園】朱超石與兄書光武

墳邊杏甚美。今奉送其核。【增】述異記杏園洲在南海中。洲中多杏。海上人云。仙人種杏處。漢時常有

人舟行遇風。泊此洲五六日。食杏故免死。又云。洲中別有冬杏。【文昌雜錄】禮部王員外言。昔見朝議

大夫李冠卿說揚州所居堂前。杏一窠極大。花多而不實。適有一媒姥見如此。笑謂家人曰。來春與嫁了

此杏。冬深忽攜酒一樽來。云是婚家撞門酒。索處子裙一腰繫樹上。已而奠酒辭祝再三而去。家人莫不

笑之。至來春。此杏結子無數。【酉陽雜俎】杜師仁常賃居。庭有巨杏樹。鄰居老人每擔水至樹側。必歎

曰。此樹可惜。杜詰之。老人云。某善知木病。此樹有疾。某請治。乃診樹一處。曰。樹病醋心。杜染指于蠹處。嘗

之。味若薄醋。老人持小鉤。披蠹再三鉤之。得一白蟲如蝠。乃傳藥于瘡中。復戒曰。有實自青皮時。必標之。

十去八九。則樹活。如其言。樹益茂盛矣。又嘗見栽植經三卷言。木有病醋心者。【園】桂苑叢談馬燧子

嚮以第中大杏餽竇文瑒。文瑒以進德宗。德宗未嘗見。頗怪嚮。令中使就封其樹。嚮懼。進宅爲奉誠園。

【增】文獻通考杏多實。不蟲者。來年秋禾善。五木者。五穀之先。欲知五穀。但視五木。故五果分五行。所以

表五穀也。又按五果之義。夏之果莫先于杏。五時之首。寢廟必有薦。而此杏適丁夏之時。故特取之。杏之

枝葉華果皆赤。故古者鑽燧夏取棗杏之火也。【學圃餘疏】杏花江南雖多。實味大不如北。其樹易成。實易結。林中摘食甚佳。【兗州府志】杏山在寧陽。上多杏。【南陽府志】杏山卽抱朴子種杏處。【九江府志】太乙宮在德化。宋名祥符觀。卽董奉杏林也。

【集韻】五言古詩【贈】宋楊萬里折杏子。天暖酒易醺。春暮花難覓。意行到南園。杏子半紅碧。輕風動高枝。可望不可摘。聳肩跂一足。偶爾攀翻得。攀條初亦喜。折條還復惜。小苦已自韻。未酸正堪喫。聊將插鬢歸。空樽有餘瀝。

【七言律詩】【贈】唐羊士諤州民有獻杏者。瑰麗溢目。因感花未幾。聊以成詠。南郭東風賞杏壇。幾株芳樹昨留歡。却憶落花飄綺席。忽驚如實滿彫盤。蛾眉半斂千金薄。鸚鵡初鳴百草閒。志士古來悲節換。美人啼鳥亦長歎。

【五言排律】【贈】唐錢起酬長孫繹藍溪寄杏。愛君藍水上。種杏近成田。拂徑清陰合。臨流彩實懸。清香和宿雨。佳色出晴烟。懿此傾筐贈。想知懷橘年。芳馨來滿袖。瓊玖願酬篇。把玩情何極。雲林若眼前。【五言絕句】【贈】宋梅堯臣詠雙杏子其核亦然。子核成雙杏。將寄同心人。定棲鴛鴦魄。爲物豈無因。【蘇軾和子由岐下杏】開花送餘寒。結子及新火。關中幸無梅。汝強充鼎和。【元馬祖常謝人送杏子詩】杏子黃金色。筠籠出薊丘。味甘醒午寢。可是督詩郵。

【七言絕句】唐白居易重尋杏園忽憶芳時頻酩酊。却尋醉處重徘徊。杏花結子春深後。誰解多情又獨來。

【元張弘範青杏】落盡殘紅綠滿枝。青青如豆釀酸時。佳人摘得新嘗怯。一點春愁鎖畫眉。

【詩散句】宋歐陽修芳枝結青杏。翠葆新奕奕。

【黃庭堅】買魚斫膾須論網。撲杏供盤不數枚。

【唐王維】董奉杏成林。

【宋梅堯臣】仙人愛杏令虎守。

【蘇軾】花褪殘紅青杏小。

【秦觀】董奉栽成杏子丹。

【陳師道】里中饋杏得新嘗。

【別錄】野人閒話翰林辛寅孫頃年在青城山居。其居則古先道院。在一峯之頂。內有塑像黃姑。則六代玄宗之子也。一夕夢見召寅孫謂曰。汝可食杏仁。令汝聰利。老而彌壯。心力不倦。亦資于年壽矣。汝可。有道性。又不終在此。須出山佐理當代。寅孫夢中拜請其法。則與怡神論中者同。玄宗孫申天師元有怡神論語。卷下卷中有神仙祕方三十首。則甘草爲首。右食杏仁法次之。杏仁七個。去皮尖。早晨盥漱了。內于口中。久之則盡去其皮。又于口中暖之。逡巡爛嚼。和津液如乳汁。乃頓嚥。但日日如法食之。一年必換血。令人輕健安泰。寅孫遂日日食之。至今老而輕健。年踰從心。猶多著述。

【原】製用青異錄。杏仁新水浸沒。生薑甘草丁香。蜀椒縮砂。白豆蔻。鹽花。沉檀龍麝。皆取末。如麵攪拌曬乾。候水盡味透。更以香藥鋪糝。名爽團。宿醒未解。一枚爽然。

【農桑通訣】杏熟時。多取爛者。盆中研之。生布絞取濃汁。塗盤中。曬乾取下。可和水爲漿。又和麪用。

【本草】杏仁能使人血溢。少誤之必出血不已。或至委頓。故近世少有服。

者。杏仁五月採。破核去雙仁者。自朝蒸之。至午便以慢火微烘之。七日乃收貯。每旦腹空時。不拘多少。任意噉之。積久不止。駐顏延年。【釋名】杏可以爲油。【齊民要術】杏子仁可以爲粥。【種植】桃樹接杏。結果紅而且大。又耐久不枯。

桃 桃花別見花譜

原桃實甘子繁。故字從木從兆。本草云。十億曰兆。言其多也。性酸甘熱可食。多食令人有熱。能發丹石毒。生桃尤不宜多食。有損無益。性早實。三年便結子。五年卽老。結子便細。十年卽死。以皮緊也。若四年後。用刀自樹本豎劃其皮。至生枝處。使膠盡出。則多活數年。種類頗多。有崑崙桃。一名王母桃。一名仙人桃。一名冬桃。出波斯國。形扁肉潤。不堪食。核狀如盒。樹高五六丈。圍四五尺。葉似桃。而闊大。三月開白。新羅桃。子可食。花不落。結實如桃。彼地名波淡樹。仁甘美。番人珍之。北戶錄云。形如半月狀。出占卑國。方桃。形微餅子。桃餅。狀如香油。桃多子。小不堪噉。惟取仁出汁中。巨核桃。詳見後。金桃。形長。色黃。如金。肉甘。接者。味銀桃。形圓。色青。白肉不。鴛鴦桃。結實。李桃。形圓。色青。肉不黏。核其。十月桃。形圓。色青。肉黏。核味。名古冬桃。又名雪桃。按爾雅。冬旄冬。毛桃。惡不堪食。其仁充滿多脂。可入藥。水蜜桃。獨上海有之。而尤佳。其味亞。雷震紅。見一紅暈。最爲難得。他如紅桃。細桃。白桃。烏桃。皆以色名。五月早桃。秋桃。霜桃。皆以時名。膳脂桃。絡絲桃。皆以形名。王敬美有言。桃種最多。金桃。蜜桃。灰桃之類。多植園中。取果。壽星桃。樹矮。而花能結大桃。亦奇種。可玩。桃殊不堪食。

增【西京雜記】上林苑有秦桃。細核桃。金城桃。綺葉桃。紫文

桃。【客燕雜記】京師中佳果有紅桃、白銀桃、小桃、蟠桃、合桃、酒紅桃、霜下桃、肅寧八月桃。

【實考】詩周南桃之夭夭有蕢其實。【傳】蕢實貌。【衛風】投我以木桃報之以瓊瑤。【魏風】園有

桃其實之殺。【禮記內則】桃曰膽之。【疏】桃多毛拭治去毛令色青滑如膽也。或曰膽謂苦桃有苦如膽者擇去之。【周禮】饋食之饌其實桃。【舊唐書太宗紀】貞觀十一年唐國獻金桃銀桃詔令置於

苑囿。【神農經】玉桃服之長生不死若不得早服之臨終日服之其屍畢天地不朽。【園】夏小正六

月煮桃。【傳】桃也者。施桃也。施桃也者。山桃也。煮以爲豆實也。【家語】六果桃爲下祭祀不用不登

郊廟。【晏子春秋】公孫捷田開疆古冶子事景公勇而無禮公患之晏子言於公請饋以二桃曰三子

計功而食公孫曰吾再拜隱虎功可以食田曰吾仗兵而御三軍者功可以食古冶子曰吾嘗濟河鼃銜

左驂治潛行水底逆流百步從流九里得鼃頭功可以食二子曰吾勇不若子功不逮子取桃不讓是貪

也然而不死無勇也刎頸而死治曰二子死之治獨不逮亦刎頸而死。【園】韓非子彌子瑕有寵於衛

君與君遊于果園食桃而甘以其半啖君君曰忠乎忘其口而啖寡人及彌子色衰愛弛得罪於君君曰

是故嘗啖我以餘桃孔子侍坐於魯哀公哀公賜之桃與黍孔子先飯黍而後噉桃公曰黍以雪桃也

對曰丘知之矣夫黍五穀之長而桃爲下君子以賤雪貴不聞以貴雪賤也。【呂氏春秋】子產治鄭

桃棗之蔭於街者莫援也。

【神異經】東方有樹高五十丈葉長八尺名曰桃其子徑三尺二寸和核

作羹食之。令人益壽。食核中仁。可以治嗽。小桃溫潤。咳嗽人食之卽止。【園】新序【魏文侯見箕季從者食其園之桃。箕季禁之。文侯曰。從者食園桃。箕季禁之。豈愛桃哉。是教我下無侵上也。】【增】說苑【樹桃李者。夏得休息。秋得實焉。】【武帝內傳】七月七日。西王母降。自設天廚。眞妙非常。豐珍上果。芳華百味。紫芝萎蕤。芬芳填櫟。清香之酒。非地上所有。香氣殊絕。帝不能名也。又命侍女更索桃果。須臾以玉盤盛仙桃七顆。大如鴨卵。形圓青色。以呈王母。母以四顆與帝。三顆自食。桃味甘美。口有盈味。帝食輒收其核。王母問帝。帝曰。欲種之。母曰。此桃三千年一生實。中夏地薄。種之不生。帝乃止。【漢武故事】東郡獻短人。帝呼東方朔。朔至。短人因指朔謂帝曰。西王母種桃三千年一著子。此兒不良。已三過偷之矣。【園】尹喜內傳【老子西遊省太眞王母。共食碧桃紫梨。】【鍾離意別傳】秦吏趙凱以私恨告國民。吳且生盜食宗廟御桃。且生對曰。民不敢食也。王曰。剖其腹。出其桃。史記惡而書之。曰。食桃之肉。當有遺核。王不知此。而剖人腹以求桃。非理也。【增】博物志【漢武帝時。西王母遣使乘白鹿告帝。當來。乃供帳九華殿。以待之。七月七日夜漏七刻。王母乘紫雲車而至。於殿西南面東向。頭上戴七種青氣。鬱鬱如雲。有三青鳥。如烏犬。使侍母傍。時設九微燈。帝南而西向。王母索七桃。大如彈丸。以五枚與帝。母食二枚。惟帝與母對坐。其從者皆不得進。時東方朔竊從殿南廂朱鳥牖中窺母。母顧之。謂帝曰。此窺牖小兒。嘗三來盜吾桃。帝乃大怪之。由此世人知方朔神仙也。】【園】神仙傳【張道陵者。沛國人也。有趙昇者。就陵受學。陵將

諸弟子登雲臺絕巖之上。下有一桃樹如人臂。傍生石壁。下臨不測。桃大有實。陵謂諸弟子曰。有人能得此桃實。當告以道要。於時伏而窺之者二百餘人。股戰流汗。無敢久臨視之者。莫不却退而返。謝不能得。一人乃昇曰。神之所護。何險之有。聖師在此。終不使吾死於谷中耳。師有教者。必是此桃有可得之理。故耳。乃從上自擲投樹上。足不蹉跌。取桃滿懷。而石壁峭峻。無所攀援。不能得返。於是乃以桃一一擲上。正得二百二顆。陵得而分賜諸弟子各一。陵自食一。留一以待昇。乃以手引昇。衆視之。見陵臂長三二丈。引昇。昇忽然來還。乃以向所留桃與之。

【增】神仙傳

董子陽少知長生之道。隱博落山中九十餘年。但食

桃飲石泉。【拾遺記】明帝時。恆山獻巨桃核。巨桃霜下結花。隆暑方熟。云仙人所食。帝使植於霜林園。

【園】玄中記。木子之大者。有積石山之桃實焉。大如十斛籠。

【增】甄異錄

譙郡夏侯文規亡後。見形

經庭前桃樹邊。過曰。此桃吾昔所種。子乃美好。其婦曰。人言亡者畏桃。君何不畏耶。曰。桃東南枝長二尺八寸。向日者憎之。我亦不畏也。【搜神記】前周葛由蜀羌人也。周成王時。好刻木作羊賣之。一旦乘木

羊入蜀中。蜀中王侯貴人追之上。綏山綏山多桃。在峨眉山西南。高無極也。隨之者不復還。皆得仙道。故里諺曰。得綏山一桃。雖不能仙。亦足以豪。山下立祠數十處。【東陽記】龍丘山峯際復有巖穴。外如窗

牖。中有石林。巖前有一桃樹。其實甚甘。非山中自有。莫知誰植。【廣州記】廬山有山桃。大如檳榔。形色

黑而味甘酢。人時登採拾。只得于上飽噉。或欲持下。迷不得返。【園】荆楚歲時記。正月一日。飲桃湯。桃

者五行之精。厭伏邪氣。制百鬼也。【增】新論知伯庖人亡炙一僮。而卽知之。韓魏將反而不能知。邯鄲子陽園亡一桃。而卽覺之。其自亡也。而不能知。斯皆鏡情於小。而亡大者也。【述異記】磅礴山。去扶桑五萬里。日所不及。其地甚寒。有桃樹千圍。萬年一實。一說日本國有金桃。其實重一觔。崑崙有玉桃。光明潤徹而堅瑩。須以玉井泉洗之。便軟可食。武陵源在吳中山。無他木。盡生桃李。俗呼爲桃李源。源上有石洞。洞中有乳水。世傳秦末吳中人於此避難。食桃李實。皆得仙。【園】幽明錄漢明帝永平五年。剡縣劉晨阮肇共入天台山。取穀皮。迷路不得返。經十餘日。糧盡饑餒殆死。遙望山上有一桃。大有子實。而絕巖環潤。永無登路。扳緣藤葛。然後得上。各啖數桃。而不饑。下山一大溪邊。有二女姿質妙絕。因要還家。勅婢云。劉阮二郎向雖得瓊實。猶尙虛弊。可速作食。有胡麻山羊脯甚美。遂留半載餘。二人懷土求歸。女曰。宿福所牽。何復欲還。因指示還路。旣出。無復相識。問得七世孫。傳聞上世入山。迷不得歸。【增】世說桓玄素輕桓崖。崖在京下有好桃。玄就連求之。遂不得佳者。玄與殷仲文書。以爲嗤笑。曰。德之休明。肅慎貢其楷矢。如其不爾。籬壁間物。亦不可得也。【洛陽伽藍記】華林園蓬萊山南。有百果園。果列作林。林各有堂。有仙人桃。其色赤。表裏照徹。得嚴霜乃熟。云出崑崙山。一曰王母桃也。【元和郡國志】綿州彰明縣雲臺山。天柱崖下。有一桃樹。高五丈餘。外皮似桃。內心似松。張道陵與王長趙昇試法於此。四百餘年桃。迄今不朽。有碑記之。【洽聞記】吐谷渾有桃。大如一石瓮。【園】酉陽雜俎史論在齊州時。出獵